

ZINTHU ZIMENE

SIZINALI CHOMWECHO

KUYAMBIRA PACHIYAMBI

 ...a masiku Ake, amaphunzitsa zinthu zimene sizinali chomwecho. Ine ndikuganiza ngati Iye angabwere lero, Iye angadzapeze chinthu chomwe chomwecho: zinthu zimene sizinali chomwecho kuyambira pachiyambi. Ngati inu nthawizonse mumafuna mutadziwa chimene chiri choonadi, muzibwerera kuchiyambi. Muzibwerera ku Genesis, ndipo inu mukhoza kutenga mwambo uliwonse ndi choona chirichonse kuyambira lero. Basi... Zomera zonse zinayambira ku Genesis, chifukwa Genesis ndi mutu wa mbewu wa Baibulo. Ndipo ngati ife titafuna kudziwa chimene chiri cholondola, tizibwerera kuyambira kuchiyambi.

² Chimodzimodzi monga ndimayesera kunena usiku wathawu, pamene Mulungu kamodzi anena neno, Iye sangakhoze konse kuchokako kwa neno limenelo. Iye amayenera kusunga zonsezo kudutsa njira yonse. Zimene Iye ananena mu Genesis ndi chinthu chomwecho mu Chivumbulutso, ndipo mpaka kudutsa njira yonse. Iye ndi Mulungu, ndipo ndizo zonse. Mukuona? Ndipo Mawu Ake onse ndi owona.

³ Tsopano, ife tikupeza kuti pamene Yesu anabwera, Iye anawapeza aphunzitsi amene anali atawatenga Mawu a Mulungu ndipo anali atawapotozera Iwo mkati, kuti azigwirizana ndi iwowo. Iwo anali atatenga malamulo a Mulungu ndi kuwapotoza Iwo kukhala kachikhulupiriro.

⁴ Tsopano, kumbukirani, alipo Mlengi mmodzi yekha, ndi zokhazo... Satana si mlengi. *Tchimo* ndi chiyani? *Tchimo* ndi “*kusalungama*,” ndipo *kusalungama* ndi “*chirungamo chopotozedwa*.”

⁵ Mwinamwake ine ndizipanga izo kuti zimveke bwino bwino. Ndiwo... Ndinu osonkhana osakanizika. Inu mumamvetsera kwa adokotala anu; ndine m'bale wanu. Mwamuna kukhala ndi mkazi wake ndi chirungamo. Iye anamukwatira iye. Chochitika chomwecho ndi mkazi wina ndi imfa. Chimodzi chimabweretsa moyo, ndipo chinacho ndi imfa. Mukuona? *Kusalungama* ndi “*chirungamo chopotozedwa*.” *Bodza* ndi chiyani? Ndi “choonadi chokhotetsedwa.”

⁶ Chotero ndicho chimene Yesu anadzapeza. Ndipo ndi chimene ife tonse tingalowemo, pamene ife titenga ndi

kuwonjezera, kapena kuchotsera pa Mawu a Mulungu, ndiko kupotoza Mawu a Mulungu.

⁷ Chotero pamene Yesu anadzabwera, Iye anadzapeza kuti iwo anali atawatenga Mawu a Mulungu ndipo atawapotoza Iwo, ndipo atapanga mwambo wa munthu. Ndipo Iye anati, "Ndi chifukwa chiyani inu ndi... mukusintha Mawu a Mulungu?" Potenga miyambo yaho, ndi kuwasintha Mawu a Mulungu, kuwapanga Iwo kumanena chinachake chimene Iwo kwenikweni sananene.

⁸ Ife tikupeza kuti Iye anadzazipeza zimenezo mu Tsiku lake, ndipo Iye azipeza izo pano lero. Ndipo Iye, ali mu Kukhalapo, kapena, ali mwa Munthu wa Mzimu Woyera, Mulungu yemweyo amene nthawizonse wakhala alipo, akukhala mwa anthu Ake mmaonekedwe a Mzimu Woyera, izo zimachitira umboni kudzera mwa wokhulupirira woona, kuti munthu amapotoza Mawu a Mulungu kuti azigwirizana ndi kachikhulupiriro kawo, mmalo mopanga kachikhulupiriro kawoko kuti kazigwirizana ndi Mawu a Mulungu.

⁹ Ine ndikufuna winawake apeze Kachikhulupiriro ka Atumwi mu Baibulo, monga ife tingazinenere izo lero, "Ine ndimakhulupirira mu mpingo wa Roma Katolika Woyera, kuyankhulana ndi oyera." Chirichonse choyankhulana ndi akufa ndi zamizimu. "Alipo Mkhlapakati mmodzi yekha pakati pa Mulungu ndi anthu, Mwamuna Khristu Yesu." Ndi yekhayo. Palibenso mkhlapakati wina. Chotero chirichonse... Iwo amapotoza zinthu, amapanga Kachikhulupiriro ka Atumwi.

¹⁰ Ngati atumwi anali ndi kachikhulupiriro kalikonse, iko kanali Machitidwe 2:38. Iye—iye anali...ndizo zimene iwo ankalalikira mosalekeza ndipo—ndipo amazikhomerera mwa anthu. Iwo akuyenera alape kwa Mulungu ndi zina zotero. Ndizo kuti, ngati pali kachikhulupiriro kalikonse mu Baibulo, iko kakhoza kukhala kameneko, kamene atumwi ankagwiritsa ntchito.

¹¹ Chotero iwo...kutsoglera kwavo konse kwa Mzimu Woyera kunkakhala ndi Mawu. Ndipo ngati munthu aliyense, kapena mngelo, adzanene konse chirichonse chosiyana ndi Mawu, Agalatiya 1:8 anati, "Msiyeni iye akhale wotembereredwa." Iwo akuyenera kukhala Mawu a Mulungu.

¹² Paulo anati, "Ngati mngelo wochokera Kumwamba adzabwera kwa inu ndi uthenga wina uliwonse wosiyana ndi uwo umene inu munawumva kale, msiyeni iye akhale wotembereredwa." Chotero ife tikukhulupirira kuti miyamba ndi dziko lapansi zidzachoka, koma Mawu a Mulungu sadzachoka konse, chifukwa Mawu ndi Mulungu. Mulungu sangachoke. Chirengedwe chidzachoka, koma Mulungu sangakhoze kuchoka.

¹³ Si malo anthabwala, paguwa si malo opangira nthabwala. Ine ndikuganiza Mawu a Mulungu amayenera azilalikidwa kuchokera pano ndi ulemu wa—wa mu mtima, ndipo ife tizikumbukira zimenezo. Koma pongofuna kuti ndinene zimenezo, kuti mfundoyi imveke, wakuda wokalamba, kuno kwinakwake Kum'mwera, nthawi ina anapanga neno limenelo, anati, "Iye kulibwino adziima pa Mawu a Mulungu kusiyana ndi kumaima Kumwamba." Iwo anamufunsa iye chifukwa chake. Iye anati, "Chifukwa zonse Kumwamba ndi dziko lapansi zidzachoka, koma Mawu a Mulungu sadzachoka." Uko nkulondola. Ife tikuyenera tizikhala pa Mawu.

¹⁴ Yesu, pamene Iye anabwera, Iye anati, "Mose chifukwa cha kuumitsa kwa mtima wanu anakulolani kuti muzisudzulana ndi akazi anu: koma sizinali chomwecho kuyambira pachiyambi." Tsopano, ife tikupeza kuti iwo anatenga malamulo a Mulungu ndipo anawapanga iwo kukhala opanda mphamvu.

¹⁵ Pamene Yesu anadzabwera, Iye anawapeza anthu akuyang'ana kwa mpingo akafuna chipulumutso. Kodi iwo amapezako chiyani? Tizikhulupiriro; chipembedzo chirichonse chimapanga kachikhulupiriro kake kake. Ndiyeno ndi zimene Iye anadzawapeza anthu akudalirapo pa mpingo akafuna chipulumutso; ndipo iwo anapeza tizikhulupiriro topangidwa ndi anthu.

¹⁶ Ndipo ngati Iye atabwera lero mu Thupi ndi kudzayankhula ndi ife, Iye angadzapeze chinthu chomwe chomwecho: munthu akuwapanga Mawu a Mulungu kuti azigwirizana ndi chipembedzo chake, kumawapatsa iwo tizikhulupiriro. Ndipo mulibemo chipulumutso mu kachikhulupiriro, ngati iko si Baibulo. Iko kakuyenera kukhala Baibulo, chifukwa Mawu Ake ndi... zonse zomwe ife tikuzisowa, ndi Mawu Ake. Ndipo Mawu Ake, pamene Iye ali Mawu, Mawu a Mulungu ndi Mulungu. Ndizo zonse. Ndi Mawu Ake, Iyemwini. Iye ali... "Pachiyambi panali Mawu, ndipo Mawu anali ndi Mulungu, ndipo Mawu anali Mulungu." Ndipo Mawuwo akadali Mulungu. Iwo akadali Mulungu.

¹⁷ Tsopano, ife tikupeza kuti pamene Iye anabwera, Iye adzawapeza amuna, ndiye, akutenga malamulo a Mulungu ndi kumawapanga iwo kukhala opanda ntchito, potenga malamulo a Mulungu, ndi kumawayeza iwo kuti azigwirizana ndi zikhulupiriro zawo, chotero iwo amakhala opanda mphamvu. Ndipo mpingo umayang'ana... Anthu amayang'ana kwa mpingo mmalo moyang'ana ku Mawu a Mulungu. Chotero pameneopo, Iye anati, "Izo sizinali chomwecho kuyambira pachiyambi."

¹⁸ Ife tikuzipeza izo chimodzimodzi lero, monga ine ndanena kale mobwereza kawiri kapena katatu mmawa uno, ndipo ndikamayang'ana wotchi imeneyo, izo zimandipangitsa ine

manjenje, chotero ine—ine ndikufuna kuti ndinene ichi ngakhalebe, kuti, "Ichi ndi choona." Ndiye mu tsiku limenero monga ziliri tsopano, ndipo tsopano monga izo zinali nthawi imeneyo, iwo amafuula, "Kodi Mulungu ali kuti?"

¹⁹ Chabwino, chinthu chomwecho, chakuti, iwo amusiya Mulungu pamene iwo anasiya Mawu Ake. Ndi chifukwa chake ife tiri ndi zinthu monga momwe tikuchitira lero, ndi chifukwa chakuti anthu anasiya Mawu a Mulungu.

²⁰ Ngati adokotala atakulemberani ndondomeko, ya kamwedwe, ndipo inu nkukawonjezera chinachake kwa iyo, kapena kuchotsapo ena pa iwo, inu mukhoza kumupha wodwala wanuyo. Uko nkulondola. Inu mukuyenera kuzisunga izo basi mwanjira imene izo zinalembewera. Muli mankhwala okwanira mmenemo oti asungunule chiphecho, chiphe chokwanira chokupha kachiromboko. Ndipo mutakhala chiphe chochuluka mmenemo opanda mankhwala zingamuphe wodwalayo; ndipo—ndipo mukakhala mankhwala ochuluka opanda chiphe, kodi izo zingachite chiyani? Izo sizingamuthandize wodwala wanuyo. Chotero mukuyenera muzizisiya izo momwemo.

²¹ Ndipo umo ndi mmene Mawu a Mulungu aliri. Iwo ndi kamwedwe ka Mankhwala a Mulungu. Inde, m'bale. Iwo ndi kamwedwe ka Mankhwala a Mulungu kwa anthu Ake kochizira nthenda iliyonse, matenda aliwonse. Tchimo ndi zathupi, chirichonse chomwe icho chingakhale, zonsezozimakumanidwa mu Mawu a Mulungu. Ameni. Iwo ndi Mawu a Mulungu. Izo zinali chomwecho pachiyambi; Izo zinali chomwecho mu m'badwo wapakati; Izo zimakhala chomwecho mu m'badwo uliwonse; ndipo Izo ziri chomwecho mmawa uno, chimodzimodzi basi mmene Izo zinaliri pamene Iye anayankhula Izo, chifukwa Iwo sangapatuke kachidutswa kamodzi, chifukwa Iwo ndi Mawu a Mulungu.

²² Ndiye anthu lero, ndi zosadabwitsa iwo amafuula: "Masiku a zozizwitsa anapita. Kulibeko chinthu chonga machiritsa Auzimu." Nchifukwa chiyani iwo amachita zimenezo? Chifukwa iwo awatenga Mawu a Mulungu ndipo apiringiza kachikhulupiro kawo mmenemo, ndipo achisakaniza chinthucho molakwika. Ndipo iwo alibemo mphamvu iliyonse mmenemo. Ngati mngelo, bishopu, bishopu wamkulu, kapena aliyense amene angakhale, atabwera ndi kudzasintha Mawu amodzi, izo zingasinthe Ndondomeko yonse ya kamwedwe. Tiyen'i fe tikhale ndendende mmene Iwo ananenera. Chimene Mulungu ananena, tiyeni tizisiye Izo monga chomwecho.

²³ Mipingo yapita lero. Iwo asochera ali kwinakwake anyanyala, akupangako mabungwe, akupangako zipembewera, akuwapanga anthu kuti azitsatira tizikhulupiro mmalo motsatira Khristu. Ine sindikufuna kachikhulupiro koma

Khristu, osati lamulo koma chikondi, ndipo osati bukhu lina koma Baibulo. Ndizo ndendende zomwe tiri nazo: Ndiko Kachikhulupiro ka Mulungu, Ndiyo Ndondomeko ya kamwedwe ya Mulungu. Ndiwo Mankhwala a Mulungu a tchimo. Ndiwo Mankhwala a Mulungu a machiritso athu, ndipo Ndiyo—Ndiyo mphamvu ya Mulungu yowonetseredwa kwa ife, pamene ife tiwatengera Mawu mmiyoyo yathu.

²⁴ Tsopano, ife tikupeza kuti iwo amayankha, amafuula mobweza, “Ali kuti Mulungu wa Mose?” Chifukwa chimene Mose anakhala ndi Mulungu ndi zinthu chinali chakuti, Mulungu amatsatira ndondomeko ya Mose, Mose amatsatira Mawu a Mulungu. Momwe Petro, Yakobo, ndi Yohane amachitira bwino nthawi iliyonse, ndi chifukwa chakuti iwo—iwo ankatsatira Mawu.

²⁵ Kuno nthawi yapitayo... Aliyense amadziwa kuti ine ndimakonda chandamale, ndi kuwombera, ndi zina zotero. Ndipo ine ndinali ndi ya Mtundu wa 70 Winchester. Ine ndinaimirira, ndipo pa mayadi fifite, pa mtunda wa chandamale, ine ndinalondolera zipolopolo eyiti kulowetsa pa bowo limodzi, pa mayadi fifite. Ndipo iyo inadzaphonya pang’ono, powombera. Iwe umayenera kumasewera nayo ndi kumaisintha sintha. Ndipo ine ndimakonda kuchita zimenezo, pofuna kutontholetsa mitsempha yanga. Ndipo icho chinaphonya. Ine ndinalephera kuti ndichilondolere icho kuti chilowe. Ine ndinaganiza iyo imafunika kuti ikakonzedwenso.

²⁶ Ine ndinakaibweza iyo ku Kampani ya Winchester. Iwo anaibwezano, ndipo anati, “Oh, M’bale Branham, kapena, Bambo Branham,” iwo anati, “ngati...ya Winchester imeneyo ndi imodzi ya pamwamba.” Anati, “Iyo imawombera inchesi pa mayadi fifite, pa mayadi twente faivi, ine ndikutanthauza, inchesi pa mayadi twente faivi.” Anati, “Imeneyo ndi yapamwamba imene inu mungaipeze.”

²⁷ Ine ndimadziwa mosiyana. Ine ndimadziwa pa mayadi fifite ine ndimalondolera tizipololo eyiti molunjika ndi iyo. Chotero ine ndimadziwa kuti zimenezo sizinali zonna. Tsopano, ndi mmenemo... Ndipo ine sindinapume kufikira ine nditaitenganso iyo. Tsopano, iyo idzachita chinthu chomwecho.

²⁸ Tsopano, ine sindine mmodzi wa anthu awa amene amakonda kumenya ndi kumwaza, “Mpingo umanena chomwecho, chotero tiyeni ife tingokhala ndi zimenezo.” Ngati atumwi, mwa Mawu a Mulungu, mwa malamulo a Mulungu, mwa Mzimu Woyeria womwewo umene ife tiri nawo, ankalondolera misomali kupita ku machiritso Auzimu, kupita ku mphamvu za Mulungu, ngati ife tingakhale ndi zimenezo, ife tikudziwa kuti ziri chomwecho kumeneko, chotero tikhalebe kufikira ife titalunjika mkati, ndizo zonse, pakuti ife tikudziwa izo zinachitapo izo nthawi ina.

²⁹ Kodi bwanji, “masiku a zozizwitsa anapita,” ndi “Yesu Khristu yemweyo dzulo, lero, ndi kwanthawizonse”? Zingatheke bwanji kuti Mulungu ameneyo akhale wakufa amene anawukanso kachiwiri, ndipo wamoyo kwanthawi zonse? Ife tingazipange bwanji izo kukhala kachikhulupiriro, pamene Mulungu alibe kachikhulupiriro?

³⁰ Mulungu ndi Munthu. Mulungu amakhala mu Mpingo Wake, ndipo inu ndinu Mpingo Wake. Ngati inu munabadvanso mwatsopano, ndipo munadzazidwa ndi Mzimu Woyeria, ndinu Mpingo wa Mulungu. Mulungu amakhala mwanu... Iye amaphimbidwa ndi inu. Pamene Mulungu anadzatsika, nadzapangidwa thupi ndipo nadzakhala pakati pathu, kodi Iye anachita chiyani? Iye—Iye anadzamutambasula hema Wake pakati pa anthu. Iye—Iye anawolotsa chigoba Chake kuchoka kwa Mulungu kudzakhala munthu, kuti munthu adzakhoze kukhala monga Iye. Oh, Iye anadzakhala ine, kuti kudzera mu chisomo Chake ine ndidzakhoze kukhala Iye.

³¹ Oh, ndi chinthu chachikulu bwanji. Ife sitidzatha konse kumvetsa chimene icho chinali. Nzosadabwitsa anthu amafuula lero, “Kodi Mulungu ali kuti?” Bwererani ku Mawu. Bwererani ku chiyambi.

³² Pachiyambi Iye anati kwa ophunzira Ake, “Pitani inu mdziko lonse, ndipo kalalikireni Uthenga. Zizindikiro izi zidzawatsatira iwo amene akhulupirira.” Chinali chimenechotu. Bwererani ku Mawu omwewo ndipo Iwo adzabereka chinthu chomwecho. Iwo ankawatsatira Mawu amenewo, ndipo Iwo ankalunjika ndipo ankalondolera misomaliyo. Msomali uliwONSE, lonjezo lirilonse limene Mulungu anapanga, linkawonetseredwa.

³³ Ngati ife titabwerera ku Mawu omwewo, Iwo adzalondolera misomali yomweyo, adzachita zozwizitsa zomwezo, adzachita zinthu zomwe zomwezo, adzapanga moyo womwe womwewo, adzapanga chorengedwa chomwe chomwecho, adzauktitsa akufa, adzachiritsa odwala, adzatulutsa ziwanda, adzawona masomphenya, adzalosera. Ndi Uthenga womwe womwewo umeneunalondolera msomali nthawi imeneyo, ngati ife tingabwerere kwa womwewo.

³⁴ Monga, kuibwezeretsanso mfuti kubwelera momwe iyo inaliri nthawi yoyambirira, kuchotsamo manzenene onse mwa iyo, iyo idzalondolera chipolopolo chimenecho molunjika ndithu. Ndipo ngati ife titachotsamo manzenene onse a kusakhulupirira kuchoka mwa ife, Mawu a Mulungu adzalunjika ndendende basi chimodzimodzi monga iwo anali pachiyambi. Ndizo ndendende kulondola. Iwo adzalunjika nthawi iliyonse. Iwo anachitapo kamodzi; Iwo adzachitanso izo kenanso. Musamakhutitsidwe ndi kachikhulupiriro kapena chinachake. Muzikhala pameneopo mpaka Mawu atalunjika.

³⁵ Izo zikundikumbutsa ine za nthawi imene amayi ndi abambo, kapena, abambo omulera a Ambuye wathu Yesu anali atamatengera Iye ku phwando la Pentekoste. Ndipo iwo anapita ulendo wa masiku atatu, ndipo—ndipo potsiriza Iye anawasowera iwo. Iwo—iwo samakhoza kumupeza Iye.

³⁶ Umo ndi mmene mpingo wapitira lero. Iwo wapita mochuluka...iwo wapita pafupifupi ulendo wa zaka thuu sauzande, ndipo wamuphonya Iye. Ndi izi apa. Pali zizindikiro paliponse zikuwonekera za Kudza Kwake, ndipo iwo akuti, “Kodi Mulungu ali kuti? Kodi Mulungu ali kuti? Ndi chiyani chamuchitikira Iye?”

³⁷ Kodi inu munazindikira? Maria ndi Yosefe anakamufufuza Iye pakati pa abale awo, koma iwo sanamupezeko Iye. Lero ife timabwerera kuti tikawone ngati a Methodisti ali naye Iye, a Baptisti ali naye Iye, a Presbateria, kapena a Lutheran. Ayi, bwana, iwo sanakamupezeko Iye. Ngakhalenso ife sitikamupezako Iye lero. Ziribe kanthu ndi mochuluka bwanji momwe ife tikuyesetsa kuti tibwerere ndi kukazikonanzo zimodzi zakale izo, zipembedzo zakufa, ife sitidzakhoza kuchita zimenezo.

³⁸ Kodi iwo anakamupezera kuti Iye? Kumene iwo anamusiyira Iye. Aleluya! Mukuganiza kuti ndine woyera wodzigudubuza; ine ndikuganiza ine ndiri. Inu mukamupeza Iye chimodzimodzi monga iwo anachitira: kumene anamusiyira Iye. Kumene iwo anamusiyira Iye, ndiko kumene iwo anakamupeza Iye. Ndiko kumene mpingo uti udzakamupeze Iye.

³⁹ Kodi iwo anamusiya kuti Iye? Ku phwando la Pentekoste. Kodi mpingo udzakamupezera kuti Iye? Mmbuyo ku phwando la Pentekoste, kumene iwo anamusiyira Iye pamene iwo anachoka ku chipunzitso cha atumwi ndi zina zotero. Mmbuyo mu mibadwo yoyambirira imenyo kumbuyo kumeneko, iwo anachoka kwa izo ndipo anadzapanga tizikhulupiriro tawo tawo, ndipo anayambitsa chipunzitso cha Chinikolai, anadzapanga mpingo wa Katolika, anapanga bungwe chipembedzo cha—cha chimene chimatchedwa chipembedzo cha Chikhristu. Ndipo kuchokera pamene po iwo anachita bungwe, ndipo anaswera pansi zinthuzo, ndipo awabweretsa Akhristu onse kukalowa mu tizikhulupiriro, ndi zina zotero, ndipo azisakaniza zonsezko kufikira kuti zangokhala chisokonezeko chomwecho chimene Iye anachipeza pamene Iye anabwera. Ndizo ndendende.

⁴⁰ Tibwerere ku chiyambi kumene ife tinamusiyira Iye, pamene Iye anali wamphamvu, pamene Iye ankaukitsa akufa, ndi kuchiritsa odwala, ndipo ankatulutsa ziwanda; ndiko kumbuyo komwe ku chiyambi, kumene ife tinamusiyira Iye.

⁴¹ Iwo amati, “Kodi Iye alikuti? Kodi Iye ali ndi a Methodisti? Kodi Iye ali ndi a Baptisti?” Kapena mwina, “Kodi Iye ali ndi a

Pentekoste?" Ayi, bwana. Bwererani ku chiya-... osati bungwe la Pentekoste, chipembedzo cha Pentekotse, limenelo ndi dzina. Ndani amene angapange Pentekoste kukhala bungwe? Ndiuzeni ine. Pentekoste si bungwe ayi. Pentekoste ndi chokuchitikira kwa wokhulupirira aliyense amene akufuna kulandira icho. Mubwerere ku chokuchitikirani, osati kubwerera ku bungwe, koma kubwerera ku chokuchitikirani. Pentekoste ndi chokuchitikira.

⁴² Ndiroleni ine ndikuuzeni inu chinachake. Inu muyang'ane pa chipatso chimene mipinga ya Pentekoste ikubereka lero, inu mudzapeza kuti iwo sanayambe pachiyambi: amatsutsana, amakangana, amatafunana, chadodolido, kukokerana *ichi*, ndi kukokerana *icho*. Yesu anati mu Yohane 14, kapena Yohane 15, "Ine ndine Mpesa, inu ndinu nthambi." Nkulondola uko?

⁴³ Tsopano, inu alimi, inu aku Texans, Louisiana, ndi chimene inu mungakhoze kukhala lero, aliyense amene amaganiza bwino, amene anayamba wawonapo mpesa ukukula, amadziwa kuti mpesa sumabereka chipatso. Nthambi za mpesa ndi zimene zimabereka chipatso, koma izo zimatenga moyo wake kuchokera ku mpesa. Yesu ndiye gwero lathu la Moyo. Inde, bwana. Tsopano, ife tizindikira, ndiye, ngati Yesu ali gwero la Moyo wathu, ndiye kuti Iye ndi Mpesa woona. Moyo womwewo umene umakhalanso mu mpesa uli mu nthambi. Ndipo ngati mpesa umenewo utabereka nthambi yoyamba, ndipo nthambi imeneyo mulu wa mphesa zizituluka pa iyo. Ngati iwo uti udzabereke nthambi ina, iyo idzakhala mulu wa mphesa. Iwo ukadzabala nthambi ina, iyo idzakhala mulu wa mphesa. Ndipo iyo idzakhala mtundu womwewo wa nthambi mpaka kumapeto a mpesa. O Mulungu.

Tsopano, ine ndikufuna ora langa latheka; ndikungokonzekera basi kuti ndifike pamenepe. Ameni.

⁴⁴ Nthawi iliyonse mpesa umenewo ubala nthambi, iyo idzakhala chimodzimodzi monga nthambi yoyamba. Chifukwa chiyani? Chifukwa moyo umene uli mu mpesawo udzabala mtundu womwewo wa nthambi. Ngati mpesa woyambirira unabereka mphesa, wotsatira sudzabereka maungu. Wotsatira sudzabereka chipatso cha citrus. Ndipo kenako, pakapita kanthawi, kumatsikira mmusi monga chomwecho, izo sizingachite zimenezo.

⁴⁵ Ngati Mpesa woona udzabereke nthambi, ndipo ngati... Yesu ndi Nthambi kuyamba ndi kuyamba, kapena, Mpesa. Ndipo nthambi yoyambirira imene unabereka, iwo analemba Bukhu la Machitidwe pambuyo pake. Kulondola uko? Mpingo wa Pentekoste, mpingo weniweni wa Pentekoste, ndipo iwo unalemba Bukhu la Machitidwe, ndi zizindikiro ndi zodabwitsa zikutsatira wokhulupirira. Ngati Mpesa woona weniweni

umenewo udzabereka nthambi ina yoona, iwo adzalemba bukhu la Machitidwe kuseri kwake. Inde, bwana.

⁴⁶ Kuno mu Arizona osati kale kwambiri, ine ndinali kuyang'ana pa mtengo ku yadi ya munthu: mtengo wa citrus. Iwo unali ndi chipatso cha mitundu naini yosiyansiyana. Iwo unali. Chimodzi chirichonse cha izo chinali chipatso chosiyana. Uwo unali mtengo wa malalanje kuyamba ndi kuyamba, koma iwo unali ndi makangaza; iwo unali—iwo unali ndi mandimu; iwo unali ndi mpheza; mitundu yosiyansiyana yonse ya zipatso za citrus. Chifukwa chiyani? Izo zinali zitamezanitsidwa mmenemo. Izo zimakhala moyo kuchokera mu moyo wa mtengo umenewo, koma izo sizikanatha kubereka chirichonse koma chimene izo zinali. Izo sizikanabereka malalanje, chifukwa izo zinali mpesa womedzanitsidwa. Koma nthawi iliyonse imene mtengo umenewo unabereka nthambi yowona kuchokera mwa iwowokha, iwo umakhala mtengo wa malalanje, ndipo iwo umabereka malalanje.

⁴⁷ Ndi momwe izo ziliri lero. Ife tamezanitsamo mipesa ya Methodisti, Baptisti, Presbateria mu Mpesa woona, ndipo ikukhala moyo kuchokera ku mphamu ya Iwo. Koma iyo singabereke kalikonse koma kachikhulupiriro ndi chipembedzo. Koma ngati Mpesa umenewo uti udzabale nthambi ina, izo zidzakhala zipembedzo zosiyansiyana, zopatsidwa mphamu ndi Mzimu Woyer, chimodzimodzi basi monga izo zinali pa Tsiku la—la Pentekoste; kubwerera pachiyambi. Ameni.

Ine kulibwino ndisiye. Ameni.

⁴⁸ Ngati Mpesa umenewo uti udzabereke konse nthambi ina, iyo idzakhala chimodzimodzi basi monga iyo inali pachiyambi. Ife timamezanitsa mitundu yonse ya tizikhulupiriro mmenemo: Baptisti, Methodisti, Pentekoste, Presbateria, Lutheran, Baptisti; ndipo iwo mmodzi aliyense akubala chipatso cha Baptisti, chipatso cha Methodisti, chipatso cha Pentekoste, ndi china chirichonse. Koma iwo ukadzabwelera, ngati Mpesa umenewo uti udzabereke konse nthambi ina yowona, iyo idzabala chipatso cha Mzimu Woyer. Ameni. Iwo udzatero . . .

Iwo amati, “Chabwino, ife ndi a Methodisti.”

“Sizinali chomwecho kuyambira pachiyambi.”

“Ife ndife Abaptisti.”

“Sizinali chomwecho kuyambira pachiyambi.”

“Ndife a Presbateria.”

“Sizinali chomwecho kuyambira pachiyambi.”

“Ife sitimakhulupirira mu kuyankhula malirime.”

“Izo sizinali chomwecho kuyambira pachiyambi.”

“Ife sitimakhulupirira mu machiritso Auzimu mu mpingo wathu.”

“Izo sizinali chomwecho kuyambira pachiyambi.” Aleluya! Chimene ife tikuchisowa lero ndi chinachake chobwelerano ku chiyambi, kubwelera ku chiyambi! Aleluya!

Nthawi yanga yatha. Tiyeni tipemphere.

⁴⁹ Ambuye Yesu, oh, mulole ine ndikhale moyo kuti ndidzawone tsiku limene mpingo udzabwerere ku chiyambi. Perekani izi, Ambuye. Adzadzeni malo aang’ono awa mmawa uno. Mdzozeni m’busa wamng’ono uyu pano, Ambuye, ndi ena awa. Tipatseni ife za ulemelero Wanu. Tipatseni ife za chisomo Chanu. Tipatseni ife msonkhano pano, Ambuye.

⁵⁰ Mutilole ife tiiwale za zinthu zina ndipo tibwerere ku chiyambi, pakuti ife tikudziwa kuti Mbuye wathu akuyankhula mmitima mwathu mmawa uno. Muchotse mipesa yomezanitsidwa iyi ipite kutali ndi kumeneko. Dzilekanitseni nokha ndi kusakhulupirira. Bwererani ku chiyambi. Ndiko kumene izo zinali chomwecho. Ndipo, Ambuye, ife tikufuna chirichonse chikhale chomwecho kuyambira pachiyambi.

⁵¹ Ambuye, mulole chotichitikira chathu, ngati ife tinakhalapo nacho kufikira mmawa uno... Ngati alipo winawake wakhala pano amene sanakhalepo ndi chomuchitikira choyambirira cha Mzimu chimenecho, ndipo ali ndi Mzimu womwewo umene unatsanulira pachiyambi, ndi cha ntchito yanji kuti ife tizitenga choloweza mmalo? Chifukwa chiyani kuti ife tizitenga chinachake chimene chiri chotenthika? Chifukwa chiyani kuti ife tizitenga zowonjeza zina, zozizira, zofunda, kachikhulupiro kotsemphana, pamene mlengalenga mwa Pentekoste mwadzadza ndi nkhanji yeniyeni? Titengerenji cholowezammalo?

⁵² Ambuye, tiyeni tibwerere ku chiyambi, ndipo tikalandire izo monga iwo anachitira pachiyambi, ndipo tikakhale ndi ntchito zomwezo, zizindikiro, zodabwitsa zimene zimabala chipatso chomwecho: chikondi, chimwemwe, mtendere, kuleza mtima, ubwino, kufatsa,unjonda, kupirira. Mulungu perekani izi. Mutimve ife, Atate, pakuti ife tikupereka mpingo waung’ono uwu ndi chitsitsimutso ichi kwa Inu mdzanja Mwanu, mu Dzina la Yesu Khristu. Ameni.

Mulungu akudalitseni inu. Ine ndikudana nazo kuti ndathamanga, koma iyo yadutsa leveni tsopano. Ine ndikuwonani inu usikuuno. Zikomo... 

*ZINTHU ZIMENE SIZINALI CHOMWECHO
KUYAMBIRA PACHIYAMBI CHA61-0119M*
(Things That Wasn't So From The Beginning)

Uthenga uwu wa M'bale William Marrion Branham, woperekedwa mu Chingerezi Lachinayi mmawa, Januwale 19, 1961, ku American Legion Hall ku Beaumont, Texas, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2021 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org